

Index Argumentorum Decisionum.

induere. Mortale esse non recitare Matutinum, ac Laudes ante Missam, (iusta causa cessante) iuribus, atque rationibus contra Noeticos probatur, ad mentem antiquorum Doctorum. Sacrarum vestium numerus, nomina, mytheria, usulque necessarius in Sacrificio ostenditur. Pilcolus, ac Peru-

cha celebrantibus Missam proscripti. Color in Vestibus Sacris servandus iuxta Rubricas. Clerici sepeliendi cum Vestibus sacris suorum ordinum. Calix ad manus Sacerdotis mortui non ponendus; vestes lugubres, vulgo di *Scoruzzo* a Clericis in morte parentum non induenda. pag. 243



DE



DE SACROSANCTO MISSÆ SACRIFICIO.

DECISIO I. ARGUMENTUM.

Agitur de Etymologia Sacrificii, & de multiplici ejusdem Denominatione. Voces Litare, Litaniz, ac Liturgiæ unde dicantur.

SUMMARIUM.

- 1 Etymologia hujus Vocis Sacrificium?
- 2 Sacrificii multiplex denominatio.
- 3 Litare unde dicatur?
- 4 Litaniz quare sic vocentur?
- 5 Liturgia quid significet?
- 6 Oblatio differt a Sacrificio?
- 7 Sacrificium cur dicatur Mysterium, atque Sacramentum.

Actum est anno proxime præterito de Sacrosancto EUCHARISTIÆ Sacramento; In præfenti agendum est de eadem, quatenus est Sacrificium; ideoque primum Quæsitum propositum per me Parochis, Confessariis, & aliis studiosis hujus Patavinæ Dioceseos expetivit Etymologiam, ac variam Sacrificii Denominationem. Pro responsione dictum fuit, quod Etymologia hujus vocis Sacrificium appellatur quasi *Sacrum factum*. Meichior Canus de locis Theol. libr. 12. cap. 13. Vers. illud deinde: ubi advertit; non omne opus Sacrum esse Sacrificium, quamvis è contra omne Sacrificium sit facrum opus; nam omnia Sacramenta sunt opera sacra, & nihilominus non sunt Sacrificia. Porro Sacrificii multiplex est denominatio; solet enim dici *Maclatio, Immolatio, Libatio, Litanio, Oblatio, Mysterium, atque Sacramentum*. Sacrificium per *Maclationem* erat, quando Victimæ occidebatur. Per *Immolationem*, quando res inanimis, & solida frangebatur, disgregabatur, aut comburebatur, ut panis, manipulus Spicarum, thus, & similia. Per *Libationem*, dum liquida effundebantur, ut aqua, vinum, oleum. Per *Litanionem* quando omnia prædicta fiebant adjunctis precibus ad placandum Numen; dicitur enim *litare* quasi *litare* à verbo *luo*, quod est *solvere*; nam qui solvit debitum, placat creditorem. Vostius in Etymolog. lingue Latine. Verb. *litare*. Vel quasi *Precatio* *laturæ*, quod est supplicare; unde Litaniz dicuntur supplices. Non autem hinc deducitur Liturgia, quæ significat munus publicum; licet hoc nomine utantur Patres pro EUCHARISTIA, ac Sacrificio Missæ demonstrando, quia mysticè deducitur ex ea voce Liturgia, cum Sacrificium sit quid publicum, & institutum publica auctoritate, ut infra demonstrabitur. Vostius ibidem, & Magr. in Hierolex. Verb. Litur- De Sacrificio Missæ.

gia. Pari modo *Oblatio* tamquam nomen genericum denotat Sacrificium; quia omne Sacrificium est oblatio; sed non è contra; dantur enim plures oblationes Deo factæ, quæ non sunt sacrificia, ob non confessionem, seu immutationem rerum oblatarum; de quibus non multò post loquemur. Tandem Sacrificium appellatur etiam *Mysterium*, atque *Sacramentum*; quia secretum continet, & significat aliquid sanctè accipiendum. cap. Multi secularium. 1. qu. 1. quod notat etiam Emin. Card. de Lauræa in Epitome Canon. in verb. Sacrificium.

DECISIO II. ARGUMENTUM.

Differitur de duplici Sacrificii acceptione, & de decem generibus Sacrificiorum metaphorice nominatorum.

SUMMARIUM.

- 1 Sacrificium dupliciter sumitur; propriè, & translative.
- 2 Sacrificiorum metaphorice decem genera.

Plares autem in hoc Clero doctissimi scripserunt, quod Sacrificium dupliciter sumitur, propriè, & translative. Primo modo, cum res oblata Deo immutatur; secundo modo, cum aliquid Deo gratum exercetur, quod per allegoriam, & translationem dicitur Sacrificium. Canus *diff. lib. 12. cap. 13. Vers. Illud deinde*. Et Collegium Salmanticens. tom. 10. De Sacram. in genere tract. 5. cap. 1. num. 1. Et in hoc allegorico, & metaphorico sensu S. Jo. Chryostom. Commentar. in Psal. 95. ponit decem sequentia genera Sacrificiorum; videlicet; Imitationem Christi, juxta illud Pauli Apostoli: *Esote imitatores Dei sicut filii charissimi, & ambulatores in dilectione sicut & Christus dilexit nos, & tradidit semetipsum pro nobis oblationem, & hostiam Deo in odorem suavitatis*. Ephes. 5. 1. II. Mortificationem carnis, de qua idem Apostolus ad Rom. 12. 1. *Obsecro itaque vos fratres per misericordiam Dei, ut exhibeatis corpora vestra hostiam viventem, sanctam, Deo placentem*. III. Orationem, de qua sic loquitur Regius Psaltes in Psal. 149. 2. *Dirigatur oratio mea sicut sacrificium vespertinum*. IV. Laudem divinam, quam canunt Levitæ in Templis. *Immola Deo Sacrificium laudis*. Psal. 49. 14. Et Psal. 106. 22. *Et Sacrificient sacrificium laudis*. V. Rectitudinem in operando cum iustitia. Tunc acceptabis Sacrificium justitiæ.

De Sacrificio Missæ. Decif. IV.

rentium, & si hæc non sit cognita, servandam esse consuetudinem Regionis, qua non extante, Parocho esse concedendas ipsas oblationes, expendendas tamen in ornamento eiusdem Imaginis, vel Capellæ. In secundo sensu oblatio arctatur ad ea, quæ intra Missarum solemniam Altari inferuntur, sive ad Sacrificium pertineant, sive ab eo sint aliena, & de his oblationibus differunt Emin. Card. Bona Rer. Liturgic. lib. 2. cap. 8. num. 4. Magr. in Hierol. Verb. Oblatio. Et in Verb. Offeritorium, & Galpar. Ivenin. in Commentar. Historico Dogmatic. de Sacramentis tom. 1. dist. 5. quæst. 8. cap. 8. art. 2. §. 2. pag. 477. Ex quarum scriptis hæc notanda veniunt. Primum, quod per integra decem primitiva sæcula mos fuit in Ecclesia Catholica, ut fideles, qui Missæ adstant, recitatio per celebrantem Symbolo, accederent ad Altare, & offerrent tum panem, & vinum pro Sacrificio; tum alios fructus pro usu Ecclesiæ, & Ministrorum, nempe oleum, incensum, legumina, novas spicas, uvas, lac, mel, agnos, & similia. De hoc usu loquitur textus in cap. Omnis Christianus, de Consecr. dist. 1. S. Augustinus epist. 122. & Durant. lib. 2. cap. 26. Secundum, quod interim dum fiebant oblationes, cantabatur offeritorium, quod erat compositum ex pluribus versibus, & psalmis, & diù durabat, utquequò terminarentur oblationes; hodie verò refecata longitudine offerorii, successit Organum, qui sonat usque ad Præfationem. Tertium, quod ipsæ oblationes recipiebantur coram Altari, & Celebrante per Ecclesiasticos Ministros, à quibus deligebatur panis, & vinum pro Sacrificio, & in tanta quantitate, quæ sufficeret pro communiōe cleri, & populi. Quartum, quod non admittebantur ad oblationem, qui non erant communicaturi; & idè Peenitentes, consistentes appellati, id est quibus indulgebatur, ut totam Missam audirent, quia prohibiti erant communicare, non offerebant. Multo minus recipiebantur oblationes aliorum publicorum peccatorum, ut distam est supra. Quintum, quod laici, & eò minus feminae non ingrediebantur Sanctuarium pro oblatione inferenda; sed extra septa Altaris recipiebantur oblata. Sextum, quod completa oblatione, legebantur nomina eorum, qui obtulerant; pro quibus specialiter celebrans Deum orabat; ut legitur in LXXX. exemplaribus antiquissimi Missalis Gothici, relatis per Mabillon de Liturgia Gallicana lib. 3. Et ibid. in Missali Gallicano pag. 333. Quæ quidem nominum publicæ recitatio degeneravit in aliquorum ambitionem, quam reprehendit S. Hieronymus in cap. 18. Ezechiel. Et lib. 2. in Hierem. capit. 11. Quare statutum, ut secretò fieret mentio offerentium in canone, ante consecrationem pro vivis, post consecrationem pro Defunctis, ut fit etiam hodie à sacerdote in utroque Memento. Septimum, quod post sæculum decimum diminuta devotione populi erga Eucharisticam Communionem, recesserunt ab aula oblationes pro Sacrificio Missæ, ad quarum similitudinem in pagis, & villis remansit consuetudo, ut finito offeritorio, Parochus se vertat ad populum, & ab eo pecuniariam elemosynam pro oblatione recipiat; porrigeno illi osculandum, vel manipulum, vel Crucifixi Imaginem, ut hæc temporibus videmus. Octavum, ad tollendos autem abusus modernos circa has oblationes cum osculo pacis, vel manipuli, emanarunt sequentia decreta, S. Congregationis Concilii, ac S. Rituum, relata per Gavant. in Rubr. Miss. part. 2. tit. 7. num. 5. & Biffum in sua Hierurgia tom. 2. Verbo Oblatio pag. 149. videlicet: quod celebrans non circumdet Ecclesiam pro oblatione recipienda; sed aliquantum se retrahat è medio Altaris. Quod non porrigat patenam populo osculandam. Quodque in Oratoriis privatis non recipiantur oblationes. Potest tamen Parochus accedere ad infimum locum Ecclesiæ, ubi mulieres manent separatæ à viris, & ibi earum oblationes in Missa recipere. Fagnan. in cap. Pastoralis. num. 40. Et 41. De bis,

quæ sunt à Prelat. tom. 4. pag. 267. Nonum, in nonnullis Ecclesiis Occidentalibus, & præcipue Gallicanis mos adhuc viget, ut in certis Missis sollempnibus, certisque aliis diebus festivis populo offerunt panem, & vinum in Missa, ut adverteit Ivenin. d. §. 2. in fin. pag. 479. Decimum tandem notandum est, quod antiquis temporibus, quando frequentes erant fidelium oblationes in Missa, vetitum fuit offerre ad Altare tum uvas, tum lac, & mel, obactus, qui representant in eorum consumptione; ideoque extra Altare cum aliis rebus oblati ponebantur; ut deservirent vel pro ministrorum alimentis, vel pauperum elemosynis; ut ex vetustioribus Patribus, ac Synodis notat Emin. Cardin. Bona d. lib. 2. cap. 8. num. 4. & Card. de Lauræ in Epitome Canon. Verb. Oblatio. In tertio sensu, de quo supra, Oblatio magis pressa significatione insinuat ipsam Missæ Sacrificium per Sacerdotem Deo oblatum; siquidem antiqui Patres frequenter, quando Sacrum Missæ Sacrificium nominare volebant, illud Oblationem vocabant; ut ostendit Pamellius ad lib. Tertullian. de Cultu virgin. cap. 11. Ennodius Ticinen. S. Augustinus; Optatus, & alii relati per Card. Bona Rer. Liturgic. lib. 1. cap. 3. n. 2. Verf. Quintò, & hoc pluribus causis, & rationibus. Prima, quia sic Missam Spiritus Sanctus designavit per os Malachiæ, appellando eam Oblationem mundam: In omni loco sacrificatur, & offerunt nomini meo Oblatio munda. Malach. 1. 11. ut doctè considerat Emin. Card. Bellarm. lib. 1. de Missa. cap. 10. Secundò, quia Christus Dominus idè carnem mortalem induit, ut eam offerret pro nobis æternò Patri in oblationem. Undè S. Jo. Chrysostr. ait: Incarnatus est ex nostra substantia, & factus est nobis Summus Pontifex, & obtulit carnem suam: quod habetur in cap. Semel immolatus est. De Consecr. dist. 2. in cap. Firmiter. De Summa Trinit. & Conc. Trid. sess. 22. cap. 1. Tertia, quia Christus Dominus bis hanc Oblationem fecit, incruentam unam, quando in cæna cum discipulis consecravit panem, & vinum, & in suum corpus, & sanguinem convertum obtulit æternò Patri; cruentam alteram, quando crucifixus fuit à Judæis. Emin. Card. de Lauræ de Incarnat. disp. 2. num. 18. Et ad dist. 22. art. 5. per totum. Et novissimè Ivenin. in Comment. Hist. Dogmat. tom. 1. Dissert. 3. cap. 2. pag. 402. Et ex his omnibus clare patet, iure optimo Sacrificium definiiri, & vocari Oblationem; non solum quia verbaliter Oblatio bis fit in Missa; una ante consecrationem, dum Sacerdos offert Hostiam positam super Patenam; dicendo: Suscipe sancte Pater &c. Et vinum in Calice cum illis verbis: Offerimus tibi Domine &c. Altera statim post consecrationem, recitando Orationem illam: Unde & memores Domine, in cuius sine dicitur, offerre præclare Marghata sua de suis donis, ac datis; Hostiam puram; Hostiam sanctam; Hostiam immaculatam; Panem sanctum vite eterne, & Calicem salutis perpetue. Sed præcipue quia ipsa consecratio, quam facit Sacerdos in persona Christi habet rationem Oblationis, ut dicemus infra Decif. XXXI. Sed dicit aliquis: Si potest factam Oblationem Hostiæ, & Calicis primà vice, deferantur ad Altare particule consecrandæ, poterunt licitè consecrari? Negat Bonac. de Sacrific. disp. 4. quæst. ult. par. 6. num. 6. Affirmat Possivin. de Officio Curatice cap. 2. n. 2. Diana part. 2. tract. 14. resol. 71. Et part. 6. tract. 6. resol. 7. Quæ sunt collocatæ in Coordinato tom. 2. tract. 1. resol. 214. Et resol. 215. ubi ex DD. ibi allegatis tenet, posse licitè consecrari quocumque tempore deferantur ante consecrationem Hostiæ majoris, si aliqua iusta causa intercedat, & satis fit, si mente offerantur Deo; & hoc idem concedit Quartus in Rubr. Missal. part. 2. tit. 7. dub. 2. Et 3. nec non Tamburin. de Sacrific. Missæ lib. 2. esp. 5. §. 2. num. 6.

De Sacrificio Missæ. Decif. V. & VI.

DECISIO V.

ARGUMENTUM.

Quare in Definitione Sacrificii dicatur oblatio externa? Quare omnes oblationes non sint Sacrificia?

SUMMARIUM.

- 1 Cultus Divinus tripliciter offerri potest Deo.
2 Homo tenetur Deum colere Anima, Corpore, & Rebus externis.
3 Homini convenit recognoscere Superiores suos cum oblatione rerum exterarum.
4 Sacrificia quare peracta cum rebus externis?
5 Oblationes omnes factæ in honorem Dei, quaræ non sint Sacrificia?

Non solum definitur Sacrificium, quòd sit Oblatio, sed ulterius, quòd sit Oblatio externa; quocirca in præfenti quærendæ sunt rationes, ob quas addita est hæc vox Externa. Quæ quidem sunt quotuor. Prima est, quia homines naturali lege ad colendum Deum ob summam ipsius excellentiam, & supremum omnium dominium, tenentur. Hic autem cultus exhiberi potest tripliciter. Primò per actum merè internorum, quibus credimus Deum esse; ipsiisque reverentur, & diligimus. Secundò per actiones externas imperatas à Religione, & ordinatas ad eius reverentiam, ut per Palmodium, & alias orationes vocales, genuflexiones, & adorationes. Tertio per res externas nobis à Deo datas, & quas possidemus; quarum aliquas offerimus ad cultum ipsius Dei, & in protectionem fuæ excellentiæ, & huiusmodi erant Sacrificia, in quibus offerbantur Deo res pretiosiores ad prædium finem; iuxta illud 1. Paralip. cap. 29. Tua sunt, & de iis, quæ de manu tua accepimus, dedimus tibi. Secunda ratio est, quoniam homo recedit à Deo sicut à primo, & supremo omnium principio animam, corpus, & res externas. Ergo tenetur Deum colere anima, corpore, & rebus externis. Tunc autem per res externas Deum colit, quando eidem illas offert pro eius Divino cultu, præcipue in Sacrificio. Igitur in definitione Sacrificii dicitur, quòd est Oblatio externa. Tertia ratio est. Homo tenetur Deum colere, & ei se subdere tamquam primo, & supremo principio secundum modum convenientem, & naturalem eidem homini. S. Thom. 2. 2. q. 85. art. 1. Sed modus homini connaturalis, & proprius est uti rebus externis, & sensibilibus ad recognoscendum Superiores suos, & eis honorem exhibendum, prout faciunt vasalli, & subditi, qui offerunt res Dominis suis in signum suprema potestatis, seu domini super ipsiis. Ergo etiam ad exercendum cultum Divinum, & protestandum, Deum esse omnium supremum Dominum, convenientis fuit, ut Sacrificium perageretur in rebus externis; & sic in definitione dicitur, Sacrificium esse Oblationem externam. Quarta tandem ratio est, propter quam Sacrificium appellatur Oblatio externa; ut scilicet distinguatur ab aliis actibus Religionis, & lætriæ internis, qui per homines elicuntur in protectionem excellentiæ Divinæ, & ejus supremi Domini, & exercentur pro fidei, spem, & charitatem. Ita Colleg. Salmantice. De Incarnatione tom. 1. tract. 21. disp. 31. dub. 1. §. 1. & Mastr. in Theol. Mor. disp. 19. n. 31. Sed dicit aliquis: Si Sacrificium distinguitur ab aliis actibus internis Religionis, quia est oblatio externa; ergo convenit, & est idem cum aliis actibus externis, & præcipue cum aliis oblationibus, quæ sunt Deo; & secundum hanc rationem omnes oblationes erunt Sacrificia; præcipue si consumentur, & destruantur in honorem Dei, ut incensum, thymiam, candelæ, & similia? De Sacrificio Missæ.

Respondetur negando consequentiam; & ratio divinitatis est, quia ad essentiam Sacrificii non sufficit, quòd res externa offeratur Deo, & immetur, seu destruat in protectionem ejus supremi Domini; sed opus est, quòd illa oblatio, & rei immutatio sit divinitus ordinata ad significandum supremum actum lætriæ in protectionem Divinæ excellentiæ; idcirco combustio thymiamatis, incensu, olei & c. juscunque alterius rei oblatae in Divinum cultum, non possunt dici Sacrificia, quia non sunt divinitus ordinata ad significandam Dei Excellentiam supremam, ut doctè explicat Baldellus tom. 2. Theol. Mor. lib. 3. disp. 3. num. 10.

DECISIO VI.

ARGUMENTUM.

Explicantur illa verba definitionis, Solum Deo facta. Ostenditur Sacrificium nulli deberi præter Deum. Quæritur an saltem Christo Domino offerri possit Sacrificium ut homini? Narratur actus lætriæ interni, & externi, & quæ sint Adorationis signa? Ostenditur, quàm grave sit scelus eorum, qui Dæmonibus sacrificant, & quibus penis sint plerendi.

SUMMARIUM.

- 1 Sacrificium non potest offerri nisi soli Deo.
2 Sacrificium visibile exterius est essentielle signum Sacrificii invisibilis interni.
3 Deus est principium omnium rerum, & eas potest ad libitum destruire.
4 Homini nefas est, se submittere alteri, quàm Deo.
5 Adoratio quid sit? Et unde dicatur? Et quotuoplex sit?
6 Adoratio est triplex. Interna, Externa, & Mixta.
7 Mardechai quare recubabat adorare Amanum?
8 Adoratio alia civilis, quæ competit hominibus; alia sacra, quæ Deo, & Sanctis præstat.
9 Adoratio Sacra Triplex est; Lætræ, Hesperaliæ, & Dulci.
10 Adorationis interna signa, quæ sint?
11 Adoratio interna distinguitur ab actibus fideli, spei, & charitatis.
12 Adorationis Sacrae, & externæ aqūs qui sint? & num. 26.
13 Genuflexio quare fit aqūs adorationis?
14 Detectio capitis quare sit adorationis signum?
15 Hebræi quare orient capite cooperio?
16 Mulieres quibus de causis procedere debeant velato capite?
17 Manuum elevatio signum adorationis.
18 Manibus iunctis orare quid significet?
19 Brachia expansis orare quid innotet?
20 Manus extollunt multi erga Hostiam elevatam, & Cur?
21 Luna recentè visâ Mahometani extendunt ad eam manus, & sibi trahunt oculos.
22 Pagani elevabant manus ad Solem, & oculos sibi tangebant, in signum adorationis.
23 Osculatio est signum adorationis. Et quare?
24 Papa pedes quare catholici descalcentur?
25 Manus nostræ descalcentur cur fiat, dum alium salutamus?
26 Sacrificium incommunicabile est cuiuscunque creature; & non licet eo uti erga Angelos, vel erga Sanctos.
27 Sacrificium An Christo Domino possit offerri tamquam homini? Negativa sententia. 28. Affirmativa. 29.
30 Sacrificium dirigitur etiam Christo ad homini in Missa de septem doloribus Desparæ.

